

श्रीरुद्रम्

श्रीरुद्रम्

अनुवाक १

ओं नमो भगवते रुद्राय ।

नमस्ते रुद्र मन्यव उतोत इषवे नमः ।

नमस्ते अस्तु धन्वने बाहुभ्यामुत ते नमः ॥ १ ॥

या त इषुश्शिवतमा शिवं बभूव ते धनुः ॥

शिवा शरव्या या तव तया नो रुद्र मृडय ॥ २ ॥

या ते रुद्र शिवा तनूरघोराऽपापकाशिनी ।

तया नस्तनुवा शन्तमया गिरिशन्ताऽभिचाकशीहि ॥ ३ ॥

यामिषुं॑ गिरिशन्त॑ हस्ते॑ विभर्ष्यस्तवे॑ ।

शिवां॑ गिरित्र॑ तां कुरु॑ मा हिंसीः॑ पुरुषं॑ जगत् ॥ ४ ॥

शिवेन॑ वचसा॑ त्वा गिरिशाच्छावदामसि॑ ।

यथा॑ नस्सर्वमिज्जगदयक्ष्मं॑ सुमना॑ असत् ॥ ५ ॥

अध्यवोचदधिवक्ता॑ प्रथमो॑ दैव्यो॑ भिषक् ।

अहींश्च॑ सर्वाञ्जम्भयन्त्सर्वांश्च॑ यातु॑ धान्यः ॥ ६ ॥

असौ॑ यस्ताम्रो॑ अरुण॑ उत॑ बभ्रुस्सुमङ्गलः॑ ।

ये चेमां॑ रुद्रा॑ अभितो॑ दिक्षु॑ श्रितास्सहस्रशोऽवैषां॑ हेड॑

ईमहे ॥ ७ ॥

असौ यो वसर्पति नीलग्रीवो विलोहितः ।

उतैनं गोपा अदृशन्नदृशन्नुदहार्यः ।

उतैनं विश्वा भूतानि स दृष्टो मृडयाति नः ॥ ८ ॥

नमो अस्तु नीलग्रीवाय सहस्राक्षाय मीढुषे ॥

अथो ये अस्य सत्त्वानोऽहं तेभ्योऽकरन्नमः ॥ ९ ॥

प्रमुञ्च धन्वनस्त्वमुभयोरार्त्तियोज्याम् ।

याश्च ते हस्त इषवः परा ता भगवो वप ॥ १० ॥

अवतत्य धनुस्त्वꣳ सहस्राक्ष शतेषुधे ।

निशीर्य शल्यानां मुखा शिवो नस्सुमना भव ॥ ११ ॥

विज्यं धनुः कपर्दिनो विशल्यो बाणवाꣳ उत ।

अनेशन्नस्येषव आभुरस्य निषंगधिः ॥ १२ ॥

या ते हेतिर्मीढुष्टम हस्ते बभूव ते धनुः ।

तयाऽस्मान् विश्वतस्त्वमयक्ष्मया परिब्भुज ॥ १३ ॥

नमस्ते अस्त्वायुधायानातताय धृष्णवे ॥

उभाभ्यामुत ते नमो बाहुभ्यां तव धन्वने ॥ १४ ॥

परि ते धन्वनो हेतिरस्मान्वृणक्तु विश्वतः ।

अथो य इषुधितवारे अस्मन्निधेहि तम् ॥ १५ ॥

नमस्ते अस्तु भगवन् विश्वेश्वराय महादेवाय
त्र्यम्बकाय त्रिपुरान्तकाय त्रिकालाग्निकालाय
कालाग्निरुद्राय नीलकण्ठाय मृत्युञ्जयाय
सर्वेश्वराय सदाशिवाय श्रीमन्महादेवाय नमः

अनुवाक २

नमो हिरण्यबाहवे सेनान्ये दिशां च पतये नमो
नमो वृक्षेभ्यो हरिकेशेभ्यः पशूनां पतये नमो
नमस्सस्त्रिपञ्चराय त्विषीमते पथीनां पतये नमो
नमो बभ्रुशाय विव्याधिनेऽन्नानां पतये नमो

नमो हरिकेशायोपवीतिने पुष्टानां पतये नमो

नमो भवस्य हेत्यै जगतां पतये नमो

नमो रुद्रायातताविने क्षेत्राणां पतये नमो

नमस्सूतायाहन्त्याय वनानां पतये नमो

नमो रोहिताय स्थपतये वृक्षाणां पतये नमो

नमो मन्त्रिणे वाणिजाय कक्षाणां पतये नमो

नमो भुवन्तये वारिवस्कृतायौषधीनां पतये नमो

नम उच्चैर्घोषायाक्रन्दयते पत्तीनां पतये नमो

नमः कृत्स्नवीताय धावते सत्त्वनां पतये नमः ॥ २ ॥

अनुवाक ३

नमस्सह॑मानाय॒ निव्या॑धिन॒ आव्या॑धिनीनां॒ पतये॑ नमो॒

नमः॑ ककु॒भाय॑ निष॒ङ्गिणे॑॑ स्ते॒नानां॑ पतये॑ नमो॒

नमो॑ निष॒ङ्गिण॑ इषु॒धिमते॑ तस्कराणां॒ पतये॑ नमो॒

नमो॑ वञ्च॒ते परि॑वञ्चते स्तायूनां॒ पतये॑ नमो॒

नमो॑ निचे॒रवे॑ परि॒चरायार॑ण्यानां॒ पतये॑ नमो॒

नमस्सृ॒कावि॑भ्यो जिघा॑सद्भ्यो मुष्णतां॒ पतये॑ नमो॒

नमो॑ऽसि॒मद्भ्यो॑ नक्तं॒चरद्भ्यः॑ प्रकृ॒न्तानां॑ पतये॑ नमो॒

नम॑ उष्णी॒षिणे॑ गि॒रिच॑राय॒ कुलु॑ञ्चानां॒ पतये॑ नमो॒

नम॑ इ॒षुम॑द्भ्यो॒ धन्वा॑विभ्यश्च॒ वो॒ नमो॑

नम॑ आ॒तन्वा॑नेभ्यः॒ प्रति॑दधानेभ्यश्च॒ वो॒ नमो॑

नम॑ आ॒यच्छ॑द्भ्यो॒ विसृ॑जद्भ्यश्च॒ वो॒ नमो॑

नमो॑ऽस्य॑द्भ्यो॒ विध्य॑द्भ्यश्च॒ वो॒ नमो॑

नम॑ आ॒सीने॑भ्यः॒ श्याने॑भ्यश्च॒ वो॒ नमो॑

नम॑स्स्व॒पद्भ्यो॑ जाग्रद्भ्यश्च॒ वो॒ नमो॑

नम॑स्तिष्ठ॑द्भ्यो॒ धाव॑द्भ्यश्च॒ वो॒ नमो॑

नम॑स्स॒भाभ्य॑स्स॒भाप॑तिभ्यश्च॒ वो॒ नमो॑

नमो॑ अ॒श्वेभ्यो॑ऽश्व॒पति॑भ्यश्च॒ वो॒ नमः॑ ॥ ३ ॥

अनुवाक ४

नम॑ आव्या॒धिनी॑भ्यो वि॒विध्य॑न्तीभ्यश्च वो नमो

नम॑ उग॒णाभ्य॑स्तृ॒हती॑भ्यश्च वो नमो

नमो॑ गृ॒त्सेभ्यो॑ गृ॒त्सप॑तिभ्यश्च वो नमो

नमो॑ ब्रा॒तै॑भ्यो ब्रा॒तप॑तिभ्यश्च वो नमो

नमो॑ ग॒णेभ्यो॑ ग॒णप॑तिभ्यश्च वो नमो

नमो॑ वि॒रूपे॑भ्यो वि॒श्वरूपे॑भ्यश्च वो नमो

नमो॑ मह॒द्भ्यः॑ क्षु॒ल्लके॑भ्यश्च वो नमो

नमो॑ र॒थिभ्यो॑ऽर॒थेभ्य॑श्च वो नमो

नमो रथे॑भ्यो रथ॑पतिभ्यश्च वो नमो

नमस्सेना॑भ्यस्सेना॑निभ्यश्च वो नमो

नमः क्षत्तृ॑भ्यस्सङ्ग्रही॑तृभ्यश्च वो नमो

नमस्तक्ष॑भ्यो रथ॑कारेभ्यश्च वो नमो

नमः कुला॑लेभ्यः कमरि॑भ्यश्च वो नमो

नमः पुञ्जि॑ष्टेभ्यो निषा॑देभ्यश्च वो नमो

नम इषु॑कृद्भ्यो धन्व॑कृद्भ्यश्च वो नमो

नमो मृ॑गयुभ्यश्च॑निभ्यश्च वो नमो

नमश्च॑भ्यश्च॑पतिभ्यश्च वो नमः ॥ ४ ॥

अनुवाक ५

नमो॑ भ॒वाय॑ च॒ रु॒द्राय॑ च॒

नम॑श्श॒र्वाय॑ च॒ प॒शुप॑तये च॒

नमो॑ नी॒लग्री॑वाय च॒ शि॒तिक॑न्ठाय च॒

नमः॑ क॒पर्दि॑ने च॒ व्यु॑प्तकेशाय च॒

नमः॑ स॒हस्रा॑क्षाय च॒ श॒तध॑न्वने च॒

नमो॑ गि॒रि॒शाय॑ च॒ शि॒पि॒वि॒ष्टाय॑ च॒

नमो॑ मी॒ढु॒ष्ट॒माय॑ चेषु॒मते॑ च॒

नमो॑॥ ह॒स्वाय॑ च॒ वा॒मना॑य च॒

नमो॑ बृ॒हते॑ च॒ वर्षी॑यसे च॒

नमो॑ वृ॒द्धाय॑ च॒ संवृ॑ध्वने च॒

नमो॑ अ॒ग्रियाय॑ च॒ प्रथ॑माय च॒

नम॑ आ॒शवे॑ चा॒जिराय॑ च॒

नमः॑ शी॒घ्रियाय॑ च॒ शी॒भ्याय॑ च॒

नम॑ ऊ॒र्म्याय॑ चा॒वस्वन्याय॑ च॒

नम॑स्त्रो॒तस्याय॑ च॒ द्वी॒प्याय॑ च॒ ॥ ५ ॥

अनुवाक ६

नमो॑ ज्ये॒ष्ठाय॑ च॒ कनि॑ष्ठाय च॒

नमः॑ पूर्वजाय॑ चापरजाय॑ च॒

नमो॑ मध्यमाय॑ चापगल्भाय॑ च॒

नमो॑ जघन्याय॑ च बुद्धियाय॑ च॒

नमस्सोभ्याय॑ च प्रतिसर्याय॑ च॒

नमो॑ याम्याय॑ च क्षेम्याय॑ च॒

नम॑ उर्वर्याय॑ च खल्याय॑ च॒

नमः॑ श्लोक्याय॑ चावसान्याय॑ च॒

नमो॑ वन्याय॑ च कक्ष्याय॑ च॒

नमः॑ श्रवाय॑ च प्रतिश्रवाय॑ च॒

नम॑ आ॒शु॒षे॒णाय॑ चा॒शु॒र॒थाय॑ च॒

नम॑श्शू॒राय॑ चा॒व॒भि॒न्द॒ते च॒

नमो॑ व॒र्मि॒णे च॑ व॒रू॒थि॒ने च॒

नम॑ बि॒ल्मि॒ने च॑ क॒व॒चि॒ने च॒

नम॑श्श्रु॒ताय॑ च॒ श्रु॒त॒से॒नाय॑ च॒ ॥ ६ ॥

अनुवाक ७

नमो॑ दु॒न्दु॒भ्याय॑ चा॒ह॒न॒न्याय॑ च॒

नमो॑ धृ॒ष्ण॒वे च॑ प्र॒मृ॒शाय॑ च॒

नमो॑ दू॒ताय॑ च॒ प्र॒हि॒ताय॑ च॒

नमो॑ नि॒षङ्गि॑णे॒ चेषु॑धि॒मते॑ च॒

नम॑स्ती॒क्ष्णेष॑वे चा॒युधि॑ने च॒

नम॑स्स्वा॒युधाय॑ च सु॒धन्व॑ने च॒

नम॑स्स्रु॒त्याय॑ च प॒थ्याय॑ च॒

नमः॑ का॒ट्याय॑ च नी॒प्याय॑ च॒

नम॑स्सू॒द्याय॑ च सर॒स्याय॑ च॒

नमो॑ ना॒द्याय॑ च वै॒शन्ता॑य च॒

नमः॑ कू॒प्याय॑ चा॒वट्या॑य च॒

नमो॑ व॒र्ष्याय॑ चा॒वर्ष्या॑य च॒

नमो॑ मे॒घ्याय॑ च॒ वि॒द्यु॒त्याय॑ च॒

नम॑ ई॒ध्रियाय॑ चा॒त॒प्याय॑ च॒

नमो॑ वा॒त्याय॑ च॒ रे॒ष्मियाय॑ च॒

नमो॑ वा॒स्त॒व्याय॑ च॒ वा॒स्तु॒पाय॑ च॒ ॥ ७ ॥

अनुवाक ८

नम॑स्सो॒माय॑ च॒ रु॒द्राय॑ च॒

नम॑ता॒म्राय॑ चा॒रु॒णाय॑ च॒

नम॑श्श॒ङ्गाय॑ च॒ प॒शु॒प॒तये॑ च॒

नम॑ उ॒ग्राय॑ च॒ भी॒माय॑ च॒

नमो॑ अ॒ग्रे॒व॒धा॒य॑ च॒ दू॒रे॒व॒धा॒य॑ च॒

नमो॑ ह॒न्त्रे॑ च॒ ह॒नी॒य॒से॑ च॒

नमो॑ वृ॒क्षे॒भ्यो॑ ह॒रि॒केशे॑भ्यो॒ नम॑स्तारा॒य॒

नम॑श्श॒म्भ॒वे॑ च॒ म॒यो॒भ॒वे॑ च॒

नम॑श्श॒ङ्क॒रा॒य॑ च॒ म॒य॒स्करा॑य॒ च॒

नम॑श्शि॒वा॒य॑ च॒ शि॒व॒त॒रा॒य॑ च॒

नम॑स्ती॒र्थ्या॑य॒ च॒ कू॒ल्या॑य॒ च॒

नमः॑ पा॒र्या॑य॒ चा॒वा॒र्या॑य॒ च॒

नमः॑ प्र॒त॒र॒णा॒य॑ चो॒त्त॒र॒णा॒य॑ च॒

नम॑ आ॒ता॒र्या॑य॒ च॒ आ॒ला॒द्या॑य॒ च॒

नम॑श्श॒ष्प्या॑य॒ च॒ फे॒न्या॑य॒ च॒

नम॑स्सि॒क्त्या॑य॒ च॒ प्र॒वा॒ह्या॑य॒ च॒ ॥ ८ ॥

अनुवाक ९

नम॑ इ॒रि॒ण्या॑य॒ च॒ प्र॒प॒थ्या॑य॒ च॒

नमः॑ कि॒ञ्चि॑त्शिला॒य च॒ क्ष॒य॒णा॑य॒ च॒

नमः॑ क॒प॒दि॒ने॑ च॒ पु॒ल॒स्त॒ये॑ च॒

नमो॑ गो॒ष्ठ्या॑य॒ च॒ गृ॒ह्या॑य॒ च॒

नम॑स्त॒ल्प्या॑य॒ च॒ गे॒ह्या॑य॒ च॒

नमः॑ का॒ट्याय॑ च॒ ग॒ह्व॒रे॒ष्ठा॒य॑ च॒

नमो॑ हृ॒द॒य्या॑य च॒ नि॒वे॒ष्प्या॑य च॒

नमः॑ पा॒ञ्च॒स॒व्या॑य च॒ र॒ज॒स्या॑य च॒

नम॑श्शु॒ष्व्या॑य च॒ ह॒रि॒त्या॑य च॒

नमो॑ लो॒प्या॑य चो॒ल॒प्या॑य च॒

नम॑ ऊ॒र्व्या॑य च॒ सू॒र्म्या॑य च॒

नमः॑ प॒र्ण्या॑य च॒ प॒र्ण॑श॒द्या॑य च॒

नमो॑ऽप॒गु॒र॒मा॒णाय॑ चा॒भि॒घ्न॑ते च॒

नम॑ आ॒खि॒व॒द॒ते॑ च॒ प्र॒खि॒व॒द॒ते॑ च॒

नमो॑ वः॑ कि॒रि॒के॒भ्यो॑ दे॒वा॒नां॑ हृ॒द॒ये॒भ्यो॑

नमो॑ वि॒क्षी॒ण॒के॒भ्यो॑ नमो॑ वि॒चि॒न्व॒त्के॒भ्यो॑

नम॑ आ॒नि॒ह॒ते॒भ्यो॑ नम॑ आ॒मी॒व॒त्के॒भ्यः॑ ॥ ९ ॥

अनुवाक १०

द्रा॒पे अ॒न्ध॒स॒स्प॒ते द॒रि॒द्र॒न्नी॒ल॒लो॒हित॑ । ए॒षां पु॒रु॒षा॒णा॒मेषां॑

प॒शू॒नां मा॑ भे॒र्मा॒रो मो॑ ए॒षां कि॒ञ्च॒ना॒म॒मत् । या ते॑ रु॒द्र शि॒वा

त॒नूः शि॒वा वि॒श्वा॒ह भे॒ष॒जी । शि॒वा रु॒द्र॒स्य॑ भे॒ष॒जी तया॑ नो

मृ॒ड जी॒वसे॑ ॥ इ॒मां॑ रु॒द्राय॑ तव॒से क॒प॒दि॒ने॑ क्ष॒य॒द्वी॒राय॑

प्र॒भ॒रा॒म॒हे म॒तिम् । यथा॑ नः॒ श॒म॒स॒द्दि॒द्व॒प॒दे च॒तु॒ष्प॒दे वि॒श्वं पु॒ष्टं

ग्रामे॑ अ॒स्मिन्नना॑तुरम् । मृ॒डा नो॑ रु॒द्रोत॑ नो॒ मय॑स्कृ॒धि
क्षय॑द्वी॒राय॑ नमसा विधेम ते । यच्छं॑ च योश्च॒ मनुरा॑यजे पिता
तद॑श्याम॒ तव॑ रु॒द्र प्र॑णीतौ । मा नो॑ म॒हान्त॑मुत मा नो॑ अ॒र्भकं
मा न॑ उ॒क्षन्त॑मुत मा न॑ उ॒क्षित॑म् । मा नो॑ऽव॒धीः पि॒तरं॑ मोत
मा॒तरं॑ प्रि॒या मा न॑स्तनुवो॒ रुद्र॑ रीरिषः । मा न॑स्तो॒के तन॑ये मा
न अ॒युषि॑ मा नो॒ गोषु॑ मा नो॒ अश्वेषु॑ रीरिषः । वी॒रान्मा॑ नो
रु॒द्र भा॑मितोऽव॒धीर्हविष्म॑न्तो नमसा विधेम ते । आ॒रात्ते॑
गो॒घ्न उ॒त पू॑रुषघ्ने क्षय॑द्वी॒राय॑ सु॒म्नम॑स्मे ते अस्तु । रक्षा॑ च नो
अधि॑ च देव ब्रू॒ह्यथा॑ च नः शर्म॑ यच्छ॒ द्विर्हाः॑ । स्तु॒हि श्रु॒तं

ग॒र्त॒स॒दं॑ यु॒वा॒नं॑ मृ॒ग॒न्न॑ भी॒म॒मु॒प॒ह॒त्नु॒मु॒ग्र॒म् । मृ॒डा॑ ज॒रि॒त्रे॑ रु॒द्र

स्त॒वा॒नो॑ अ॒न्य॒न्ते॑ अ॒स्म॒न्नि॒व॒प॒न्तु॑ से॒नाः॑ । परि॒णो॑ रु॒द्र॒स्य॑

हे॒ति॒द्वृ॒ण॒क्तु॑ परि॒ त्वे॒ष॒स्य॑ दु॒र्म॒ति॒र॒घा॒योः॑ । अ॒व॒ स्थि॒रा

म॒घ॒व॒द्भ॒य॒स्त॒नु॒ष्व॑ मी॒द्व॒स्तो॒का॒य॒ त॒न॒या॒य॑ मृ॒ड॒य॑ । मी॒डु॒ष्ट॒म

शि॒व॒त॒म॑ शि॒व॒ न॒स्सु॒म॒ना॑ भ॒व॑ । प॒र॒मे॑ वृ॒क्ष॑ आ॒यु॒ध॒न्नि॒धाय॑

कृ॒त्तिं॑ व॒सा॒न॑ आ॒च॒र॑ पि॒ना॒कं॑ वि॒भ्र॒दा॒ग॒हि॑ । वि॒कि॒रि॒द् वि॒लो॒हित॑

न॒म॒स्ते॑ अ॒स्तु॑ भ॒ग॒वः॑ । या॒स्ते॑ स॒ह॒स्र॑हे॒त॒यो॒न्य॒-

म॒स्म॒न्नि॒व॒प॒न्तु॑ ताः॑ । स॒ह॒स्रा॒णि॑ स॒ह॒स्र॒धा॑ बा॒हु॒वो॒स्त॒व॑

हे॒त॒यः॑ । ता॒सा॒मी॒शा॒नो॑ भ॒ग॒वः॑ प॒रा॒ची॒ना॑ मु॒खा॑ कृ॒धि ॥ १० ॥

अनुवाक ११

सहस्राणि सहस्रशो ये रुद्रा अधि भूम्याम् ।

तेषां सहस्रयोजनेऽवधन्वानि तन्मसि ।

अस्मिन्महत्यण्विऽन्तरिक्षे भवा अधि ।

नीलग्रीवश्शितिकण्ठाश्शर्वा अधः क्षमाचराः ।

नीलग्रीवाश्शितिकण्ठा दिवः रुद्रा उपश्रिताः । ये वृक्षेषु

सस्पिञ्जरा नीलग्रीवा विलोहिताः । ये भूतानामधिपतयो

विशिखासः कपर्दिनः । ये अन्नेषु विविध्यन्ति पात्रेषु पिबतो

जनान् । ये पथां पथिरक्षय ऐलबृदा यव्युधः । ये तीर्थानि

प्रचरन्ति॑ सू॒काव॑न्तो निषङ्गि॑णः । य ए॒ताव॑न्तश्च भूया॑ंसश्च

दि॒शो॑ रु॒द्रा वि॑तस्थि॒रे । तेषा॑ंसहस्र॒योज॑नेऽवध॒न्वानि॑

तन्म॑सि । नमो॑ रु॒द्रेभ्यो॑ ये पृथि॒व्यां येऽन्तरि॑क्षे॒ ये दि॒वि

येषा॑मन्नं वा॒तो वर्ष॑मिष॒वस्ते॑भ्यो दश॒ प्राची॑र्दश॒ दक्षि॑णा दश॒

प्रती॑चीर्दशोदी॒चीर्दशो॑र्ध्वास्ते॒भ्यो नम॑स्ते नो मृ॒डय॑न्तु ते यं

द्विष्मो॑ यश्च नो द्वेष्टि॒ तं वो॒ जम्भे॑ दधामि । ११ ॥

त्र्य॑म्बकं यजामहे सु॒गन्धिं॑ पु॒ष्टिव॑र्धनम् ।

उ॒र्वारु॑कमि॒व ब॑न्ध॒नान्मृ॑त्योर्मु॒क्षीय॑ माऽमृ॒तात् ॥